

garagalinis dugdas itti hin garagalchin. Takkaa gara bahaa takkaa immoo gara dhiyaa garagalaa.” Abu Ayyuub ni jedha: Yommuu Sooriyaa dhufnu, boolloon fincaanii gara qiblaatti garagalfamte hojjatamte. Nutis fuula keenya irraa garagalchina. Rabbiis araarama kadhanna.” [Sahiih Al-Bukhaari 144](#), [Sahiih Muslim 264](#)

Garuu mana keessatti yoo ta’e ykn isaa fi qilbaa jiddu wanti isa dhoksuu yoo jiraate, kana keessa rakkoon homaatu hin jiru. Ragaan kanaa hadiisa Ibn Umar (radiyallahu anhumaa) gabaasedha: Haajaa kiyya gariif xaaraa mana Hafsaa gubbaa bahe. Ergasii Ergamaan Rabbii (sallallahu aleyh wassallam), fuulaan gara Shaam qajeete dugda immoo gara qiblaa garagalche haajaa isaa kan bahu arge.” [Sahiih Al-Bukhaari 148](#)

Ammas hadiisa biraa keessatti: Marwaan Al-Asfar ni jedha: Ibn Umar gara qiblaatti garagaluun gaala isaa jilbifachiisee. Ergasii kallatti sanitti taa’ee kan fincaa’u arge. Anis ni jedhe: Yaa Abbaa Abdurahmaan! Kuni dhoowwamaa mitii?” Innis ni jedhe, “Eeyyen, kuni dirree qofa keessatti dhoowwame. Garuu si fi qiblaa jidduu wanti si haguugu yoo jiraate, homaa rakkoo hin qabu.” [Sunan Abu Daawud 11](#)

Irra caalaan osoo mana keessa ta’ellee gara qiblaatti garagalu dhiisudha. Rabbiin hundarra beeka.[\[2\]](#)

6-Haajaaf yoo ta’e malee dubbachuu dhiisuu- Ibn Umar akka gabaasetti: Namtichi tokko osoo Ergamaan Rabbii (sallallahu aleyh wassallam) fincaa’a jiruu irra darbee nagaha gaafate. Nabiyyinis deebii isatti hin deebisne.” [Sahiih Muslim 380](#)

Salaama (nagaha) deebisuun waajiba (dirqama). Kanaafu, salaama deebisu dhiisun dubbachuun dhoowwaa akka ta’e agarsiisa. Keessumayyu zikrii Rabbii olta’aatin yoo ta’e, caalatti ni dhoowwama. Garuu haajaa dirqama isatti ta’eef yoo dubbate, kan akka nama tokko qajeelchu ykn bishaan barbaadu fi kkf, kuni ni hayyamama. Rabbiin hundarra beeka.[\[3\]](#)

7-Karaa fi gaaddisa namootaa keessatti fincaa’u fi sagaraa bahuu irraa of eeggachuu-Abu Hureyraan akka gabaasetti: Nabiyyiin (sallallahu aleyh wassallam) akkana jedhe: wantoota abaarsa namatti fidan lama irraa of eeggadhaa.” Isaanis ni jedhan: “Yaa Ergamaa Rabbii wantoonni abaarsa namatti fidan maalidhaa?” Innis ni jedhe: karaa namoota keessatti yookiin gaaddisa isaanii jalatti haajaa bahuudha (Fincaa’u fi sagaraa bahuudha).” [Sunan Abu Daawud 25](#)

8-Iddoo nafa itti dhiqatanitti fincaa’u irraa fagaachuu- keessumayyuu bishaan kan itti kuufamu yoo ta’e, kan akka gaandaa fi kkf. Nabiyyiin (sallallahu aleyh wassallam) namni bakka nafa itti dhiqatetti fincaa’u irraa dhoowwe jira.” [Sunan Abi Daawud 28](#)

9-Bishaan ciisaa keessatti fincaa’u dhiisu-Bishaan ciisaan bishaan bakka tokkotti kuufamee turuudha. Hin yaa’us, hin haaromfamus. Bishaan kuni qulqulluu ta’ee namoonni akka itti fayyadamaniif Rasuulli (sallallahu aleyh wassallam) bishaan ciisu keessatti fincaa’u irraa dhoowwanii jiru. Jaabir (radiyallahu anhu) akkana jedha: “Ergamaan Rabbii (Sallallahu aleyh wassallam) bishaan ciisaa keessatti fincaa’u irraa dhoowwanii jiru.” [Sahiih Muslim 281](#)

10-Fixira fincaanii irraa of eeguu- Muslimni najaasaa irraa homtu akka isa hin tuqneef iddoo itti fincaa’u

filachu qaba. Iddoo jabaataa fincaan isatti fixiruutti fincaa'u hin qabu. [4] Akkasumas, akka fincaan isatti hin fixirreef dhaabbatee fincaa'u irra ta'ee fincaa'utu isaaf wayya.

Naamusa Mana Fincaanii seenu fi bahuu

<p>1-Namoota irraa of dhoksuu fi fagaachu</p> <p>2-Yommuu mana fincaani seenu hedan maqaa Rabbii dhayuu fi eeggumsa Isaa barbaadu</p>	<p>3-Yommuu mana fincaani seenan miila bitaatiin seenuu fi yommuu bahan immoo miila mirgaatin bahu.</p> <p>4-Wanta zikriin Rabbii keessa jiruu of waliin qabaniis mana fincaani seenu dhiisu.</p>	<p>5-Yeroo fincaa'an ykn sagaraa bahan gara qiblaatti fuula garagalchuu fi duugdaan itti garagaluu dhiisu</p> <p>6-Haajaaf yoo ta'e malee dubbachuu dhiisuu</p>	<p>7-Karaa fi gaddisa namootaa keessatti fincaa'u fi sagaraa bahuu irraa of eeggachuu</p> <p>8-Iddoo nafa itti dhiqatanitti fincaa'u irraa fagaachuu</p>	<p>9-Bishaan ciisaa keessatti fincaa'u dhiisu</p> <p>10-Fixira fincaanii irraa of eeguu</p>
---	---	---	--	---

Kitaabban wabii:

- [1] Fiqhu Muyassar fii daw'il kitaabi wa sunnati-fuula 10-12
- [2] Madda olii
- [3] Sahiih Fiqhu Sunnah-1/94-95, Abu Maalik
- [4] Fiqhu waadih-1/36-37

Date Created

October 2020

Author

admin